

Message Three

**Athai Hinghangna hamla Pathen-Thlaang
kah Hingna**

Caciim tee ham. .Deut 1:3, 9. 6:8-13. John 21:15-17. 1John 3:14.

1John 5:1. 2:6. 4:17. Gal 6:2-3. Rom 8:2

- I. Pathen kah thinkaw ngaihna tah awlthangtheen cabu pali hue dawng awluup sai la aka awm Jesu kah Pathen-thlang la hingna kah aka awm tangtang paihuen la ka awm “Jesu khui kah soengna” (Efe 4:21) hetah soengna kah Muithla rangoen Khrih Takpum dawng aka awm pumbeekthli khuiah muivaisak ham, tetila hinghangna athai hamla Pathen kamthlahna dawng aka saang koek sawsangkoek la aka awm Khrih Takpum kah soengna la acoengsakna ham ni (athan 20-24).**
- A. Awlthangtheen cabu pali hue lawng Pathen kawngaih la aka awm hingna kah daan koei, Pathen te a ngaihkhueksak thai tih Bawipa kah mengtengna aka soepsak thai hingna kah pungraan te atuengsak. Jesu tah thaihu soeprep te Pathen khuiah, Pathen oenah haih, Pathen hamla bi aka bi hingna oen te hing. Pathen tah Bawipa kah hingna dawngah thum haih tih, Bawipa tah Pathen oen pumkhat-sakhat la awm. Hetah *Jesu khuiah aka awm soengna* ti awllung kah athuingaihna te ni. Jesu dawng kah soengna ningla Khrih te cangna tihe tah Khrih kah daan ham koei khuiah pungraan thloen thilna, Khrih kha muisam khui la mui vaisakna te ni – Rom 8:28-29. Efe 4:20-21.
- B. Mami lawng lamha cuek la aka awm Pathen-thlaang la Khrih kah pungraan oen anawn haih la mami kah pumsa hingna te n’hoetna rangoen Pathen hingna te n’hingpuina rangoen Pathen-thlaang la coengsak ham Pathen Amah lawng avan soepsak - Math 11:29a, 17:5b. 1Pit 2:21.
1. Diklai dawng aka awm Bawipa kah hingna dawngah Bawipa lawng awlthangtheen cabu pali hue dawngah a tuengsak angla daan koei pakhat te khueh la awm. Te coengah hingpeek Muithla la ava coeng hamla Bawipa tah thinglam dawng duek tih thou koep, te ahni Bawipa lawng mami kah hingna la coeng hamla mami khuiah ava kuun thai ai. Mami lawng mami kah pumsa hingna rangoen mueh la, thawhkoep na dawng aka awm mami kah hingna Bawipa Amah rangoen Amah kah daan ham koei ningla Amah tengah te n’cang u – 1Kor 15:45b. Kolose 3:4.
 2. Mami kah Khrih-thlaang hingna he Khrih khui kah hingna la a awm van angla, mami khuiah Khrih a hingna la khaw awm. Mami tah pungraan Khrih khui ah n’awm u tih, Bawipa tah mami kah hingna la mami khuiah awm. Hetila mami lawng Jesu dawng aka awm soengna la Khrih te n’cang u. Hekah soengna hetah Khrih Takpum kah soengna ni – 1Kor 1:30. 2Kor 5:17. 12:2a. Kolose 1:27. Gala 2:20. Rom 8:10.
- C. Mami lawng Bawipa te lungna, Bawipa te tuhkaina oen Bawipa teng thangthuina n’khuehna oenah pahoei mami tah awlthangtheen cabuthli dawng tuengsak la ka awm pungraan, muisam, daankoei ningla Bawipa te pahoei n’hingpui u. Hetila mami lawng pungraan kah muisam oen anawnca la mui-thloenthilna, muivaina n’dang u – hetah Khrih te n’cangna ni – Math 11:29. Rom 8:29.
- D. Thooekhaih muithla dawng mami n’hing u vengah, mami lawng soengna Muithla rangoen Jesu dawng aka awm soengna oen haih Khrih te n’cang u. Bawipa kah a kawngghu te mami kah cilrui la ava coengsakna ham mami kah pungraan la aka awm Bawipa Amah teng kalawng mami lawng n’cang u. Thlangthai la Khrih Takpum kah hing khawkaanna lawng awlthangtheen cabuthli dawng tuengsak la aka awm Jesu kah a hingna oen buelh a vai u ham ni – Gala 6:17-18. Rom 1:1, 9. Efe 4:20-24. Filip 2:5. Math 11:29. 1Pit 2:21.

E. Jesu te thlanghing pakhat la coengsak ham tuihla a awm veng ah Pathen kah amengtengna tah Bawipa te Pathen ben kah hingna rangoen Pathen-thlaang hingna te hingsak ham ni. Mami lawng Bawipa te n'caak u vengah mami tah Bawipa rangoen n'hing u tih, Bawipa Amah oen buelh aka vai u Pathen ben kah hingna rangoen Pathen-thlaang hingna oen aka hing vaan khawhii ben aka bou tangkiik thlaang la coengna ham ni – Lungnat 3:22-24, 55-56. Awl 2:4, 7. John 6:57. Jer 15:16. Efe 6:17-18. Sam 119:15.

II. Pathen kah ngaikhuekna la aka awm pakhat bueng hingna tetah diklai dawng aka hing Khrih kah hingna te koekthoek hingpui koep la ka awm hingna teni. Hetah huithlut nawwna la ka awm Bawipa kah ahuhtawng nathli khuiah Khrih te huhtawng hingna ni – Deut 1:9. John 8:29. 2Kor 5:9.

- A. Huithlut nawwna hetah Pathen oen Pathen kah ngaikhuek na ham roe roe la aka awm hingna oen aka hing Khrih te huhsakna ni. Huithlut nawwna he Pathen thlaangthli te tetila aka hingsak thai kung hingna la awmna dawngah khawseh Khrih te huhsakna la awm – Deut 1:3. Num 28:2-3. John 5:30. 6:38. 8:29. Heb 10:5-10.
- B. “Huuithlut nawwna” tila kawng la ka awm awllung he saw ben la aka lui thaihu te huhsakna ni. He luina lawng Khrih te athuinuet (Deut 1:3, 10, 14). Diklai dawng kalawng Pathen tengla aka luui pakhat bueng thaihu tetah Khrih rangoen aka hing hingna te ni, Bawipa tah Pathen hamla a pumboeih roe roe la aka awm hingna (John 6:38) te aka hingpui arawl aka khueh nawh thlanghing la awm.
- C. Huuithlut nawwna hetah “Jehova kah ngaikhuekna rimtui ni” (Deut 1:9). “Ngaikhueksakna rimtui” tila kawng la ka awm Hebrai awllungthli kah direct a thuingaihna tah “duuemna nawhatah ngaitluepna rimtui-baw” tila a thui- ngaihna ni. Ngaikhueksakna rimtui baw tihe tah ngaitluep na, ngaimawngna oen duuem nathli te aka van lawpui kung rimtui-baw la awm. Tetila ngaikhueksak la ka awm rimtui-baw he Pathen hamla awmngaihna pakhat la awm.
- D. Mami khiu kah Khrih kah hingna he huithlut nawwna kah asoengna la awm – hetah awl ngai hingna, dawklawh hingna, hingna thing kah alawngim angla Pathen sawah aka hangdang hingna la awm – Fil,2:8; Jhn,5:19, 30 | Heb,5:8; 10:7.
1. Thlaang lawng Pathen teng kalawng hooep tih, Pathen dauben kalawng mahbueng zalpaw la bisaina he thawlh la awm. Pathen lawng mami te soeprep dawngah Bawipa kah thuituenna angla bisai tatvuet sak angaih – Saam,40:7-8; 1Jhn,3:4.
 2. “U lawng khaw Pathen ram te camoeca angla aka dou nawh tah akhui ah kuun thai manawh” Luk,18:17). Pathen lawng mami nala Bawipa sawah atue rooek hangdang sak angaih dawngah camoeca angla atue rooek awm sak angaih. Mah oen mah ueppangna he Pathen hangdangna kah ral la awm.
- E. Aka soeng thangthuina rangoen mami kah huithlut nawn nala ka awm Khrih dawngah kut tloengna rangoen mami lawng Bawipa tengla n'thoekhaih n'tuhkai u tih Bawipa oen pumkhat la ng'awm u. Khrih lawng mami khuiah a hing van angla Amah lawng diklai dawng a hingpui hingna, huithlut nawwna kah hingna te mami khuiah koekthoek a hingpui – athan 4. 1Kor 6:17. Gala 2:20.
- F. Te ang thoekhaih tuhkaina, avaanrepna dawngah mami kah thazaawl nathli, pawci nathli oen n'thawlh-dalh nathli boeih boeih te Bawipa rangoen cepui la awm poen – 2Kor 5:21. Gala 2:20.
- G. Mami lawng Bawipa teng ah mami ungbaangsak hamla a tue m'peek u ai, tedeng ahni mami lawng thlangtloethli te ungbaangsak ham oen Pathen a tuengna hamla Jerusalem khawpui thai la coeng hamla hai-phu (bakba) la n'coeng hil toe aka boet thai nawh huithlut nawwna la n'coeng thai poen ai – Saam 20:3. Deut 1:16. 6:8-13. 1Kor 3:12a. Awlp 3:12, 21:2, 10-11, 18-21.
1. Haiphuthli hetah tula a thum tlaih nawhna hil toe thlaak la aka awm Khrih te a thuinuet. Mami he haiphu la a coeng hiltie tlaaksak la ka awm Khrih oen pumkhat la ng'awm u dawngah, mami khawseh haiphu la coengsak la ng'awm u, thuingaih natah mami tah

tula aka awm nawh, zero toela tlaaksak nan – Math 9:12. Isaiah 53:3. 1Kor 1:28. 2Kor 12:11.

2. Mami lawng Bawipa kah a duekna dawngah Khrih oen avaanrep la n'awm u tare vengah, mami tah haiphu la n'coeng u poen tite n'zakming u tare la awm. Mami haiphuthli la n'coeng u vengah mami tah pumsa thlaang la n'awm u tlahi nawh poen. Te zuengah mami tah thinglam dawng aka duek, boetsak la aka awm, hai oen ungsak la aka awmthli la ng'awm u – Gala 2:20.
- H. Haiphuthli te bawkthang kah ahaai ben akeengah, khaw lawna benah khueh natah thawhkoepna te a thuinuet – Deut 1:16. John 11:25. Filip 3:10-11. 2Kor 1:9.
 1. Huithlut nawna la ka awm Khrih oen haih haiphuthli he aboetna nawh tih – tetah a kung tawngna ni. Haiphu thli he Khrih tah ngawn la awm poen tila a thuingaih na de, khawlawna ben tihe tah thawhkoepna te huhsak n ani – Mark 9:31.
 2. Mami lawng Khrih khuiah haiphuthli la n'awm u tare vengah, khawlawna ben la cehsak tare la n'awm u ai. Te huen kalawng khawmik lawng va thoeng ai oen mami lawng thawhkoepna kah khaw a thaitawmca nate n'huhtawng khanca u ai tite aamah-khanna va awm poen ai – Filip 3:10-11.
- I. Hukhueng ah haiphuthli he Jerusalem khawpui thaila va coeng poen ai – Awlp 4:3, 21:2. Awlp 3:12. 21:2, 10-11.
 1. Khrih kah duekna lawng mami he avan boetsak coeng ah, haiphu la avan coengsak. Thawhkoepna dawngah te haiphuthli tah Pathen kah sakna hamla phu aka tlou tangkiik thaihuthli la coeng poen – 1Kor 3:9b, 12a.
 2. Mami te haiphu la avan coengsak vengah, mami tah Jerusalem khawpui thai sakna ham phutlou thaihuthli la coengsak ham la thumkhat Pathen kah muisam thawlengna khuiah cepui la n'awm u – Rom 12:1-2. 2Kor 3:18. Awlp 21:18-21.

III. Pathen kah awlkhueh thai Bibiba te cepuina dawngah Bawipa Jesu tah huithlut nawna kah soengna la a awm van angla, Amah teng kalawng meang thaihu khawseh sai roe roe nawh (John 5:19), Bawipa lawng Amah kah Amah ham bi bi nawh (4:34, 17:4), Bawipa lawng Amah hamla awl thui nawh (14:10, 24), Bawipa lawng thaihu boeih boeih te Amah kah angaihna rangoen sai roe roe nawh (5:30), te coengah Bawipa lawng Amah bawilenna te tlap nawh (7:18). Bawipa tah Pathen oen bueng ngaikhuekna a khueh dawngah meveng ahkhaw kawpoek boetna awm nawh - Isaiah 42:4, 50:4-5, 53:2a. thuinuet John 4:13-14. 6:15. Mark 9:7-8.

- A. Bawipa kah hingna tah Bawipa kah bibina, tatvuetna oen Bibina ni. Bawipa kah bibina tah Bawipa kah hing khaw-kaanna la awm tih, Bawipa kah tatvuetna tah Bawipa kah a coengna ni. Bawipa dawngah Ahih kah hingna, Ahih kah bibi, Ahih kah bibi sanna oen Ahih kah Bibina hethli laklaw ah a laangna awm nawh. Bawipa Jesu lawng Amah lawng Bibina te a hingpui – Luke 22:26-27. John 10:10b. 1Kor 15:45b. 1John 5:16a. 2Kor 3:18. Filip 1:25.
- B. Bawipa Jesu tah thangthui kung thlaang pakhat la awm. Bawipa tah thangthui hamla tlaang sawah nawhatah adingsuekna huen la koe koe cet - Math 14:23. Mark 1:35. Luke 5:16, 6:12, 9:28.
- C. Thlaang thawngnga (5000) acun aachna poekrai noekna te a sai coengah, Pa teng ah athloekca la thangthuina atue tare a dang thaina hamla ahubaangthli te Amah teng kalawng atloe la a cehsak u – Math 14:22-23.
 1. Thlaang pakhat kah apaihuen dawng aka pai (4:4), Pa lawng a lungna tangkiik Capa la (3:17) vaandawng ben kah Sengpahng lawng vaandawngthli kah ram paisak hamla diklai saw Bawipa lawng bibi a saina boeih dawngah Pa oen pumkhat la awm ham oen Pa lawng Bawipa oen pumkhat la a awmsakna hamla vaandawngthli ah aka awm Ahih kah ana Pa teng la athloekca thangthuina a ngoe.

2. Bawipa lawng Pa oen huhtawng-tuhkai ham la amah bueng la a awm thaina hamla thlangping oen ahubang thli te a cehtaak coengah, huen-nep-huen ah mueh la tlaangsawm la aluuihang coengah tetila te a sai.
- D. Bawipa tah Pathen oen pumkhat coengna thangthuina te aka thangthui kung la a awm dawngah, Pa lawng Ahih oen a awm haih dawngah Bawipa tah meveng ahkhaw amah bueng la awm nawh. Kawlkah roek ah Bawipa lawng ana Pa kah mikhaai te a huh – John 5:19. 16:32. Saam 16:7-8. Thuinuet 27:8.

IV. Mami lawng Pathen Amah roe roe la aka awm lungna dawng n’awmpoe u vengah, “lungna lawng mami he avan soepsakna rangoen awlcekna khawhin vengah thinawmna n’khueh u thai ai. Metitiah, mami tah Bawipa Amah angla he dilai dawngah ng’awm u” (1John 4:17). Huithlut nawn nakah soengna la aka awm Khrih lawng he dilai dawngah lungna la aka awm Pathen kah hingna te a hingpui. Tahe atah Bawipa he mami kah hingna la va awm poen tih, mami khawseh he dilai dawngah te ang lungna-hingna rangoen n’hing u thai poen tih, Bawipa Amah la a awm angla te n’awm u poen.

- A. Mami kah muithla dawng aka awm hingna Muithla phung tah lungna ka phung la aka awm Khrih kah phung la awm (Rom 8:2. Gala 6:2). Lungna kah phung hetah hingna Muithla phung rangoen atak la caaksak la a awm ham ni, tedeng ahni mami lawng thlangtloethli kah thalritthli te m’phueih pe thai ai. Tede mami lawng opek u na oen m’betoet u mai kawinih, mami tula n’awm u nawh mai ah pakhat khat la ka awm tila m’poek u na rangoen m’mah oen mah te n’thailat u dawngah thlangtloethli kah thalrit te m’phueih pe thai nawh mue (athan 3).
- B. Mami khuiah lungna phung lawng bi a bi vengah, mami lawng Pa Pathen kah lungna te n’khueh u tih, khawdawp ngaai thaina thinkaw oen thlawnkung Khrih kah doencang na oen tlap thaina muithla aka khueh tuu doenkungthli la pahoei ng’awm u poen ai – John 21:15-17. Luke 15:3-7.
- C. Mami khuiah lungna phung lawng bi a bi vengah, Bawipa khuiah mami kah thahuer bibina lawng “thaa aka zaawlthli te bawmcemna” (Celt 20:35), “khoemdoenna” (1Thet 5:14) lungna kah thaa huer bibina la va coeng poen ai (1Kor 15:58. 1Thet 1:3). Thaa aka zaawl thlaang tihe tah muithla, Lungbui nawhatah pum dawng thaa aka zaawlthli, nawhatah oengna dawng thaa aka zaawlthli te a thuinuet – Rom 14:1. 15:1.
- D. Bawipa lawng thawhkoep la awm coeng, Piter tengah a tuuthli te cuuncah ham oen doencang ham bibi-hutna te a peek. Hetah Pathen kah tuu-huui thlangboel te khoem-doen cuuncah hamla Celtuihthli kah Bibina te Khrih kah vaandawng ben Bibina oen thoekhaih ham tih, te lawng ah Khrih kah Takpum sakna te a thoengsak tih, Pathen kah dungzaan kamthlahna te soepbirsak ham la Jerusalem khawpui thai ah va soepbir poen ai – John 21:15-17.